



ISHAK (kanan) dan Dr Daing melawat gerai pameran pelajar pada Fiesta Antarabangsa UMP.

Fiesta gabung budaya unik

Kuantan: “Selain dapat menikmati pelbagai jenis makanan, saya juga berpeluang melihat kebudayaan negara luar yang begitu unik dan menghiburkan walaupun ia asing serta sukar difahami.

“Pada masa sama, saya juga dapat memperkenalkan kebudayaan dan pakaian serta barangan tradisional negara asal saya iaitu Nigeria,” kata penuntut **Universiti Malaysia**

Pahang (UMP), Afolabi Haruna Kolawole, 32.

Dia antara 700 penuntut antarabangsa yang menyertai Fiesta Antarabangsa UMP membabitkan beberapa universiti awam termasuk Universiti Sultan Zainal Abidin (UnisZA), Universiti Sains Islam Malaysia (USIM) dan Universiti Tenaga Nasional Malaysia (UNITEN).

Pelbagai aktiviti dian-

jurkan pada program selama dua hari itu antaranya pameran barangan, gambar, makanan dan persembahan kebudayaan pelbagai negara.

Fiesta Antarabangsa UMP yang berlangsung di Kompleks Sukan UMP Gambang itu dirasmikan Pengarah Tourism Pahang Datuk Ishak Mokhtar. Hadir sama, Naib Canselor UMP Datuk Dr Daing Nasir Ibrahim.